

Jezusi mposht vdekjen

(Luka 23:33-49; 24:5-6)

Jezusin po e çojnë nga qyteti i Jerusalemit në kodrën e Golgotës, një rrugë shumë e gjatë. Në kodër janë tre kryqe dhe ushtarët gozhdajnë në njërin prej tyre Zotin Jezus; në të tjerat gozhdajnë dy kriminelët.

Po ç'të keqe ka bërë Jezusi? U ka bërë vetëm mirë të gjithëve! Përse duhet të vdesë? Jezusi nuk vdes për faje që nuk i ka bërë, por për mëkatet e njerëzve!

Njerëzit përreth Atij e tallin, e përqeshin dhe e fyejnë. Thonë: "Nëse ti je Biri i Perëndisë, atëherë shpëtoje veten!" Ndërsa Jezusi përgjigjet: "O Atë, fali ata, sepse nuk e dinë ç'po bëjnë!"


Është mesditë dhe papritur bëhet errësirë e thellë. Jezusi po pranon të marrë mbi vete gjithë të keqen që ti dhe unë kemi bërë. Dhe vdes.

Dishepujt e heqin trupin e pajetë të Jezusit nga kryqi dhe e vendosin në një varr. Mbaroi gjithçka tani? Tri ditë më vonë disa gra shkojnë tek varri dhe e gjejnë bosh!

Papritur shfaqen dy engjëj. Sjellin një lajm të mirë për të gjithë: "Jezusi është kthyer në jetë! Është gjallë!"

Edhe ne duam të besojmë që Jezusi jeton! Ka mposhtur vdekjen! Tani mund t'u dhurojë të gjithëve jetën e përjetshme.

1. Në cilën kodër do të vdesë Jezusi?
2. Përse vdekja e Jezusit është aq e rëndësishme për ne?
3. Çfarë iu thonë dy engjëjt grave?



M. Paul, Kindermalbibel, CV Dillenburg, 2017